

永樂大典卷之一萬九千四百十七

三三勅

站

站清二

經世大典中統三年四月三日中書右三部奉中書省判送衛事官只八
兄忽將送南公差回還言沿途鋪馬數少不繫於廐頭目人等多不在站
至甚不整仰行下各站今後須令如法養飼驛馬常存合用之數在廐以
備走遞其頭目人等亦須常川在站無致失誤四月五日制國用使司
奏革聖旨計置驢車三十輛春月運物赴上都至夏拘車在官驢令佃戶
飼養以助耕力秋來肥健取發於中都遞運官物六月制國用使司言
河南府路權課稅每歲差吏赴省計撥稅糧總管府不準給驛乞區處事
省部定擬今後每年勾集科撥絲綿糧稅總管府轉運司人吏來時許給
鋪馬三疋行移合屬照會施行詔八月九日丞相安童伯顏等奏納驛
站鋪馬使臣經過本路州城來索諸物臣等議使臣若無城中公事不得
輒入索物者亦不得應付上從之十月中書右丞相安童等奏西涼甘
州莊浪等處增站事今議除甘肅瓜州其間合立站赤條阿沙來時區處

外。就令鳳哥辭酌到中興。西涼蘭州甘州信龜洛該站。可用馬一百三十
五匹。牛六十八隻。驢六十頭。於官錢內買置。奉旨準。十月二十三日。中
書省奏。近以。西夏之西。近川黃兀兒子。董站。塔失八里站。攬出去站。此三
處。闕鋪馬。奉旨。令塔察兒。奪羅不。解與都省。制國。因使司馬。區廢增置之。
今已定擬。合增羊馬牛之數。委麻合馬。航木里等。如彼。買備。奏取聖裁。上
從之。黃兀兒子。董站。令阿木干。駙馬。民戶。出驢馬一百五十匹。牝馬五十
匹。牛五十隻。外增買走。迤驢馬。牝馬二百匹。孳生牝馬一百五十匹。塔
失八里站。元存羊一百二十口。外增買走。迤驢馬。牝馬二百匹。孳生牝馬
二百匹。羊一百八十口。攬出去站。增買走。迤驢馬。牝馬二百匹。孳生牝
馬二百匹。羊三百口。四年正月十四日。據真脫歡等。傳旨。送茶速克之
地。至燕乙囊。初立驛館一十四處。國本與中書省。令與制國。因使司。官同
議。規劃驛船。鋪馬。人糧之數。續奉旨。每站給羊二十口。粘裡三十口。乳牛
九隻。強牛一隻。其價與買驛馬錢共計。酌支給。制府。欽遵。放支鈔四百錠。
下陝西等路。轉運司。於五月內。和買。給付各站去訖。茶速克至燕乙囊。
立十四站。找船牛二百二十隻。驢二百二十頭。馬二百二十匹。孳生羊
二百八十口。粘裡羊四百二十口。乳牛一百二十六隻。強牛一十四隻。船

五十六艘。人工二十名。備三月糧。常役水手二百二十四人。凡刺赤一百一十人。遞送小站者七十人。計四百四戶。四月中書省遣忙古驛鎮赤等。責奉御寶聖旨。諭阿出。鳳哥。東勝。達魯花赤等官。及八合迭兒。朵魯不。驛納隣站民。仰從應理下。至東勝站十所。用水手二百四十人。驛船六十艘。宜令應付者。五月二十一日。中書省撫西夏中興等處宣撫司呈東勝合立三站。本路合立七站。除從權以東勝見在船二十一艘。散給各站行用外。未造船三十艘。撥用已伐到大通山木植其餘物料。計該價鈔四十餘錠。及工匠糧食。合無令轉運司應辦。又莊古驛回稱。只打忽等處舊有船三十六艘。合令修整。七月一日。中書省奏。準新造船三十艘。修整舊船三十六艘。一切物料口糧。鐵木之工。官為應付。撥水手二百四十名。內撥令各投下差撥一百六十二名。中興府民戶內差撥六名。西京抄海所管水手內差撥七十二名。每站給牛一十隻。祇應羊一百口。起置館舍食槽。擇撥種養之地。剋付制府。及西夏中興等路宣撫司施行訖。七月十七日。都元帥也速驛兒。言乳山口守城千戶忽特木兒。申南兵船隻往來必合。陸續其鐵哥等各千戶行營。相離帥府九百餘里。並無站道。凡有急使。請令經過州城。換易驛馬。庶不失候軍情。省府以乳山口之地屬益都。

路卽墨縣。相去海口三里也。逮將兒覓於萊州等處行營。事宜應撥劉付右三部行下所屬。今後如委有違報軍情。急務海青使臣。仰經過州城。倒換鋪馬其餘常事。沿站經行。不得指例。背驛乘傳。五年二月。制國用使司言。拘收銅根。納官除應付網運外。其押運之人。合無乘驛馬事。都有令右三部行下合屬。應付鋪馬一匹。三月四日。中書右丞相安堂奏。霍木海呈中統四年奉命總管諸路站。赤至元元年。改羊漢站。令各路管民官掌管。霍木海提領使臣。起數鋪馬強弱。勾當事理。似不歸一。誠恐兩就臣等議。得止合依至元元年定制。上從之。六月十九日。中書左丞相安童等奏。濟南濱投下所出物貨。勞民遞送。有司請以蒙古戶計立站。外有二站乞差撥。本投下漢民設立。臣等議得事關大體。別無此例。上曰。塔察大王漢站。其始如何。定立。可再議聞奏。十二月二十四日。樞密院官奏。萬戶黃急答兒言也。孫托非理。起移托鉢地界站。赤合無遣使前去。只令依舊置立奉聖旨。且曰。令黃急答兒差人去者。六年二月。御史臺呈奉中書省定擬司官廼歷合屬。如無馬站去處。就萊州縣官馬匹。依例更換。為例施行。是月御史臺定擬憲司遣官詣朝廷計事。合依總管府例。約量差起鋪馬。每道給鋪馬七匹。劉子三道計一十二道。撥下各司遵守施

行。三月制國用使司據運司申為制府所屬合用鋪馬稅本路總管府出給劄付恐本司有故遣使總府不準應付事制司議行下合用鋪馬除就發常行劄子外若有不敷斟酌可用幾何依舊例關總管府取給五月十二日中書右丞相安堂平章政事忽都答兒奏中都至上都站亦以聚會故遞運係官及投下諸物數多滯不能發至甚勞苦臣等與樞密院制國用使司御史臺宣徽院及四怯薛官同議洪贊主獨石四站各增車驢三十具榆林站增牛驢十具總計價鈔一百五十六定自久你赤為始至上都蒙古四站於四怯薛內差撥牛馬助運一月官給路費較為便益奉聖旨準。六年六月丙京路申驛使到站往往不知姓名又不明示起馬劄子及所幹之由乞下隣境官司開折文字照會事省部準申行移各處官司今後起發印信關文應付鋪馬施行。十一月制國用使司言巡鹽官吏弓手舊例每名官支米一升馬粟三升第一束雖多不過十人草青之時不支芻粟今所支多於元定之數擬合轉運司課稅所今後差官出巡明給公文具人馬實數令所至官司依上應付都省準擬。十二月河南道提刑按察司言河南兩路鋪馬前都元帥四萬戶統軍司等泛濫給驛事河南行省移咨軍前行省各合照會都元帥及總管四萬戶河南

統軍司沿邊監戰萬戶。今後遇有給驛。申省斟酌緩急起馬。毋得擅行其河南兩路總官府轉運司。并迤北差來南京軍前計事者。亦驗緩急應付。各官司毋容輒準給發。七年正月十一日。中書省臣阿里傳育。若曰。內外諸處往來使臣。須憑印信文字給驛。無文憑而起馬。給馬者皆有罪。都省劉付右三部。遍下合屬欽依施行。二月中書省據左三部呈。與右三部議擬站赤事理下項。一總管府在城驛設官二員。就於見役人負內。擇有根脚經事者任之。直隸總官府不得用私己人。一州縣驛設頭目二名。如見役人。即是相應。站戶就令依上任事。不係站戶。則就本站馬戶內別行選用。一府州司縣官站官。皆不得借乘鋪馬影占站戶。及擅科差發侵擾。仰總管府常切體究。違者治罪。一從站戶自買肥壯齒小無病馬匹喂養走遞。有司及諸人無得結攬。一站亦合供報文字。總管府依例行下合屬縣分取勘申報。一除脫脫未孫。依舊存設。揆隨路免設總站官。截日革罷。於內若有祇受聖旨。令旨中書省劉付。及歷事年深別無過犯者。保申合于上司區用。一照依舊例。經過使臣問具各位下姓名。并鋪馬數目。責鞫是何官司起馬。蒙古字劉子。從某處前往某處幹辦。是何公事。各站每季造冊申報總管府。不過次月初十日。以裏申部。六

月十二日達古兒赤明安答兒對中書省臣奏京兆府營葺館驛不令使臣止宿却於民家安泊豈不擾民奉旨若曰既有使臣驛舍不令安止乃宿民家騷擾百姓安有此理省部欽依通行革正訖 二十日樞密院奏先奉體例禽獲走小路賊人并細作人所有南貨一半充賞一半沒官臣等議得札撒聚會時宜以沒官物充使臣飲食之費從之 七月九日益都路言各位下使臣給驛各齋令旨起馬本路合無再出劄子其駝運物貨鋪馬未審如何應付乞明降事省部照得舊制段匹皮貨例從車運至如各位下進納海青鷹隼人負妻有印信文字所起鋪馬與見納堪中鷹隼數目相同本路不須再給劄子若實起鋪馬比元文數少令各路明具關文相沿例換 八月省部定擬都元帥府統軍司招討司遇有蒙古軍人與民相聞及軍前公事從本府遣使就來長行馬於差劄上明具人名馬數公事之由給限應付分例其餘萬戶千戶不得指例如非軍前公事及無印署文憑者皆禁止之 九月二十八日大理鄯闡金齒等處宣慰司呈準差來立站使臣帶木斛亦只里等文字該與帖古斛相接立站畢司即便和買到鋪馬一百五十四匹并察罕章分到站戶五百戶已於西番小當當地起立馬站畢外據大理寺等一十四處見今鋪馬闕少站戶消乏

為此本司大小官吏出私已錢買到馬二百匹官錢和買八十匹乞照驗事
都省移咨尚書省照驗去訖 十月二十六日司農司言四道巡行勸
農官乘驛勸課所過無站之處合無從按察司巡歷體例乘坐馬匹請區
處事都省準擬依上施行 十一月河北河南道提刑按察司言河南轉
運司起納課程除脫鈔鋪馬外止合差官一負起馬一匹不應多起庫子
馬一匹事收銀庫呈若止差庫官一負難以照畧申奉河南等路行尚書
省擬送本司今後起納課程差庫官庫子各一名就用元降本司劄子起
馬二匹 是月九日始立諸站都統領使司兀良哈解幹脫哥欽奉聖旨
專一管領站赤公事來往使臣令脫脫未孫盤問無聖旨牌面起馬者裁
減之非急務則應付牛驢事速則馳驛一切整治委命兀良哈解幹脫哥
霍木海三人主之有不聽其號令致鋪馬倒死首思失誤者罪之 八年
正月二十五日中書省議鋪馬劄子初用蒙古字其各處站赤未能盡識
仰繪畫馬匹鑄造小印於劄子年月日之後墨印馬匹數目復以省印覆
之庶無疑惑因令今後各處取給鋪馬牒附文籍具馬匹數付譯史房書
寫畢就在左右司用墨印印給馬數目省印印訖別行附籍發行墨印左右
司封掌 四月陝西四川等處提刑按察司言書史書吏養差元例給鋪

馬一匹似為不敷御史臺議擬每道增給鋪馬八匹。如書史書吏奏差侍官巡按臺地之近遠事之閑劇給馬不得過二匹。四日繳納照會為例施行。五月御史臺言監察御史各道按察司巡按體察公事合乘鋪馬呈省出給劄子不惟遲慢亦有事涉機密如制國用使司樞密院遣使俱自出給劄子合無依例就便斟酌出給事都省準呈下尚書兵部通行照會。六月一日東路都元帥也速解兒軍馬南征經莒州莒縣宿頓憑樞密院劄付坐下千戶一負日支羊半口重一十五斤取於縣司既而本縣照議先欽奉聖旨出征聚會軍馬經過本處宿頓每千戶一負應付羊半口一十斤今所支過多通申省部區處戶部照得至元六年十一月十二日中書已擬千戶宿頓支羊半口一十五斤仰照驗施行。八月六日御史臺據河北河南道提刑按察司申體知在城館驛多為有司官占居却令使客於民家安下問得本路館驛四條為達魯花赤同知已占其二理體不宜早司除已行移本路起移各官外申乞照詳。十二月山東東西道提刑按察司言各路官負乘驛品秩或同起馬却有多少乞區處事兵部照擬隨各路官負若奉特旨或省部明文以急務乘驛者依舊例三品五品四品五品四品六品七品三品八品以下止給二匹仍申事例如後。

一隨路總管府官監捕蝗蝻達魯花赤總管起鋪馬三匹同知治中府判
二匹一運司每季差押運官一員庫子一員赴部納課元給劄子起馬
二匹今運司既罷總管府依例送納一各路交鈔庫子庫官赴都關支
鈔本解納昏銳從各路總官府就給劄子起馬二匹一隨路局院起納
肢匹雜造軍器等生括各路就起劄子應付押運官鋪馬一匹一隨路
府運司等每歲計撥稅糧考校課程人吏今運司既罷各路依例就給劄
子起馬三匹一隨路係官局院差人赴都及於他處關撥物料起馬一
匹上年不雷馳驛不在此限一隨路差人根檢急遞鋪遺失損壞文字
本路就給劄子起馬一匹一隨路差人押運進呈御膳野物本路給劄
子起馬一匹一隨路運司馳運鹽引驗斤重給馬今改立都鹽使司亦
依例應付是月中書省據御史臺呈軍中差人辦事及取發年銷紙劄
委官各處歸問軍民詞訟并出征人負合無給劄子起馬事送兵部議得
沿邊萬戶遇軍情急務差人飛報各許給鋪馬一匹又就軍司都元帥府
差官直赴朝廷計會軍情事務合乘鋪馬不過二匹並從統軍司都元帥
府給劄子至如差官各處歸問軍民詞訟取發年銷紙劄別無乘驛之理
其軍官出低自有征行馬匹難議馳驛通行為例九年五月中書工部

差委造甲官馳驛引領作頭等八前去隨路指使造甲送戶部定擬分例
所至應付雜役住支知會造甲官宣德府甲局劉應日支白米一升麪一
斤肉一斤鹽油菜燉等物作頭一名日支白米一升麪半斤肉半斤油鹽
菜等八月中興等路提刑按察司言五品以上長官俱得進表稱賀正
令來已馬預期來上照得中興等路行省每遇聖節元日差人進表俱各
來驛早司相去朝廷不啻萬里今後合無依行省例馳驛進表一就赴臺
計稟公事似為便益省部議得各路計稟公事及押送諸物人等尚得馳
驛其責擎表章人負皆以臣子赤誠若由常行馬匹於禮未安據中興等
路道途迢遠今後遇天壽聖節元日差人捧表詣闕稱賀擬合起馬一匹
相應所據各道按察司并隨路總官府五品以上及直隸省部官署一體
施行移文遍諭遵行是月西京路脫脫木孫昔班盤詰詐使忽賽因及
無劉子起馬之人劉璘親乘鋪馬押送二人赴諸站都統領使司區處西
京路言昔班來驛非法都省下本司推問昔班引據舊制云脫脫木孫盤問
下使臣夾帶物貨詐從鋪馬押送今次已審白於西京路達魯花赤等官
令遵先例送上以故起馬非我罪也諸站都統領使司議昔班因公馳驛
初不為過省部準擬今後脫脫木孫若有公幹合行馳驛即於本路官司

出給劄子方許起馬照會各路依上施行。又諸站都統領使司言朝省諸司局院及外路諸官府應差馳驛使臣所賣劄子從脫脫永孫辨詰無脫脫永孫之處令總管府驗之各站明白相關所差之由如干軍務急遠公事依例走遞事苟細緩而非理馳驛所過州城探親飲酒留滯及至上馬兼程走驛傷損鋪馬者當治罪勒償相應都省準呈施行。十一月河間路備清州會川縣言本縣路當山東益都淄寨濟南等處衝要却無設立站赤不時驛使經過索換鋪馬除將官吏已馬應付外又復邀奪船隻客旅及坊郭軍民馬匹來傳驛擾不安因而死損民馬多致訴訟合無令自大都迤南并益都淄寨濟南站赤凡往來起馬人負今後並由站路經行嚴諭各站官吏及回馬之人須令引送前路立站去處換馬毋取小道似望商民安便省部準擬行下合屬依上施行。十年五月陝西提刑按察司僉事董奉議言至元九年十二月至太原介休縣見蒲元帥一行起馬二十匹又至平陽霍州站見合剌統軍起馬三十匹為數太多乞定奪事都省照會樞密院議擬到軍官合騎鋪馬數目行下合屬遵守施行。四川行院長官起馬八匹次二官起馬六匹次三官起馬五匹次四官起馬四匹軍官萬戶起馬五匹餘者馬三匹。六月十六日中書省議今

後遣使回日。頒將元給牌面鋪馬劄子。隨即繳納違者究治。通行中外。照會施行。十八日。兵刑部侍郎伯木奏。失呵兒幹端之地產玉。今遣王工秀秀才者。採之。合用鋪馬六匹。金牌一面。上曰。得玉將何。以轉致至此。對曰。省臣已擬令本處官忙古。酌拔都兒。於官物內支脚價運來。上曰。然則必得青黃黑白之玉。復有大者可去其瑕璞。起運庶幾驛傳輕便。九月。中書兵部議。諸官府出使。事非急遠。往往在路停止。及至上馬。兼程奔驟。逆將鋪馬損斃。今立程法。遍行遵守。一驛使到站。先驗起馬劄子。其事于軍務急遠。即仰如數應付良馬。毋得停滯。如係緩慢公事。當日行過三站。復欲起馬。或無劄子。不得給行。一依驗劄子。應付正馬。外其元未元刺赤。已給馬者。聽無馬者。徒差引送。許乘正馬。以回。仍關前路照會。一馳驛使臣。合祇應飲食分例。不得闕悞。若有長行官負雜賣。上司文字令應付飲食者。州縣與之站赤。毋得擅給。一諸府州縣官迎送官員。不得差人乘驛馬。一今後除朝廷軍情急達公事之外。毋得擅差鋪馬。亦不得亂行前路文字。一今後使臣人負乘前站馬匹。過晚到站。不可還者。仰本站依例迎相飼秣。毋得闕悞。一站內槽前鞍轡繩索。一切什物。須要完備。仰各處提調官。每日點視。毋令短劣。馬匹不得瘦弱闕役。十月。

中書省所委整點站赤。斷事官亦捏哥呈。擬便宜二事。其一謂隨路總管府差人馳驛。不計事之緩急。輒起鋪馬三匹。元制赤馬一匹。此時軍務方劇。竊恐所起數多。馬匹疲瘦。久而失供公事。宜令今後以軍情要務遣使者。量起鋪馬一二匹。餘事止。乘已馬相處。省部準擬。其二謂隨路差人吏赴省部。照算稅課。送納軍籍者。自始發及回日。不論緩急。日夜奔馳。走損鋪馬。又於站赤取索鞍轡雨衣襖褲。動致弊壞。合無令乘驛人吏。自備鞍轡雨衣。應限到部。事畢。依程從緩還役。省部議得。馳載係官文字。當從站赤。應付苦逸。餘令人吏自備。本路承受部符之月。即合起遣。應限毋致遲延。至期致令人吏兼程馳驟。事畢亦須徐緩還家。十二月諸站都統領使司。言本司品同部院。各路總管府。合聽指揮。今總管府親臨站赤。本司係總要上司。據隨處站戶同軍戶與魯擬屬元籍州縣外。其立站去處。合無革去州縣一重官府。止令徑隸總管府。依樞密院例。並聽使司指揮。易為責辦。二十一日省部照擬。站戶同軍戶與魯擬屬元籍州縣外。據立站去處。止令直隸總管府仰總管府。並聽使司指揮。通行照會。十一年五月諸站都統領使司言。朝廷遣使幹辦諸事。每負鋪馬。不過三匹。此常制也。今省院諸司。凡差人負往。起馬四匹。乞區處事。省部議得。除奉使遠

方及非常例事于急速者隨時斟酌其省院臺部諸衙門常例遣使馳驛
多不過三匹仰依上施行 十月十二日益都路總管府言先奉諸站都
統領使司照會立站去處革去州縣一重官府直隸總管府並聽本司指
揮給奉禮部符文却該諸站都統領使司各路總管府並聽指揮別不
云立站去處直隸總管府請明降軍省部照做得隨處站亦止令直隸各
路總管府外站戶家屬擬合元籍州縣管領仰依上施行 十二年二月
七日中書省奏奉聖旨增給東西兩川鋪馬祇應中統鈔二百錠 是月
河南等路宣慰司言各路押軍及運兵器人負每人起馬三四匹以致站
赤消乏事都省議下南京路今後若有差遣押軍及運兵器者起發鋪馬
不過二匹河北諸路亦從此法施行 三月七日中書省奏并州所管長
行站納憐站其站戶多有投詭各投下者以致免當站役者貧乏又批支
不敷站中常關鋪馬往復使臣勞苦臣等議乞差人往問果是站戶悉令
還之奉聖旨準 十二日中書平章政事阿合馬張右丞奏諸王只必帖
木兒所置三站之糧來請接濟臣等議每站二十人計六十八一年之食
以羊準支其久遠口糧每人給乳羊五十口奉旨準 六月中書省所委
點站斷事官抵里吉賈言隨路計撥稅糧考校司吏初非急切之事往往

走驛驛馬乞禁約事有部準言通行禁約

十一月二日中書兵刑部擬

濟寧路備兗州曲阜縣言本縣路當連海徐沂等州本非驛道使臣之來
當換舖馬稍或分辦動遣差罵今年自春及秋泰安州滕州鄒縣數送使
客經行縣司慮失公事程期未免以官吏弓兵之馬及驅逼居民過客所
騎馬匹以代驛傳常有死損竊照省部定例差委官負須經正站乞區處
禁約事有部議下合屬今後無令凡刺赤人等引送使臣人負無站去處
經行是月河南等路宣慰司言蒙古千戶百戶俱有常俸而所過宿
頻復需飲食分例驛役不使中書照會樞密院照擬得蒙古萬戶千戶百
戶遠近出征經過及聚會去處合用飲食今有官署州縣照依定例應付
如鎮店村坊人煙稀少之地不合取要相應都省準呈下合屬照會施行
十三年正月十五日諸站都統領使司言伏自大元立國以來軍站為
重至元七年上命設立本司掌管漢站兀良哈解州輪脫哥霍木海三人同
事照依樞密院例委各處達魯花赤管民正官兼管遇有裁決不定事務
止申本司乞吏官署之名省部行移翰林院擬改為通政院奏奉聖旨何
用此名回奏為行移公文之用上曰既爾與之可也十八日都省命降鑄
印信改立通政院訖七月中書省議時當暑月道途泥濘諸官府不分

事之巨細緩急泛濫給驛今後各路官司及諸色人負遇事須申上司區處給驛果有急務就使起遣毋致泛濫通行違守十四年二月七日中書左丞相合伯平章政事阿合馬奏永昌路山丹城許遠土帖里城土火郎各站請給立站錢六十定又乞以鈔千定令其規運急錢補增五站祇應不致失候又諸王只必帖木兒言永昌府站戶一百二十戶當役困乏鬻其妻子地產先奉土命賜寶鈔五十定贖還又用三十一定買馬八十匹當站止存一十九定贖其妻孥尚闕三十一定乞於濟給賜之臣等議得依數支給供奉聖旨準十五年二月諸路皮貨都提舉司言舊制拘牧皮貨人等合乘騎馬皮毛脚力亦當應付乞區處事都省下兵部仰照舊例驗物輕重應付脚力逐運是月中書省定擬隨路站赤官為應付祇待羊口皮毛納官頭蹄肚臟等折計斤兩準肉支用送兵部依上施行五月六日中書平章政事哈伯等奏中慶路至烏蒙賽典赤所管之地立訖九站烏蒙北五站不得立烏蒙土官稱使我屬賽典赤則可立站臣等議差人諭塔里不罕能主張立站則立之不能則委賽典赤領其地以立站又烏蒙北至叙州若造船立訖水站則陸路七八日程順水一日可到俟立訖來由水由水路去者使由陸路為便並奉聖旨準是月益都